

**1 НОЯБРЯ: Пренесение мощей преподобного Иоанна Рыльского,
чудотворца.**

Вечером 31 октября

Изменяемое №1

На Господи воззвах:

Стѹх: Изведѹ из темницы дѹшу мою, исповѣдаться ѹмени Твоемѹ.

Стѹх: Менѣ ждѹт праведницы, дѹндеже воздаси мнѣ.

Стѹх: Из глубины воззвах к Тебѣ, Господи, Господи, услыши глас мой.

Глас 1: В по́стницах возсия́вшаго прообра́зование, пусты́нное воспитание/ Ры́льского светильника/ словесы́ и пѣсньми вси ве́рни и да восхва́лим,/ зовѹще и глаго́люще:/ радуйся, вели́кая сла́во,/ яже в на́ша дни яви́ся,/ Иоанне преблаженне.

Стѹх: Да бѹдут ѹши Твоѹ внѣмлюще гласу мо́ления моего́.

В по́стницах возсия́вшаго прообра́зование, пусты́нное воспитание/ Ры́льского светильника/ словесы́ и пѣсньми вси ве́рни и да восхва́лим,/ зовѹще и глаго́люще:/ радуйся, вели́кая сла́во,/ яже в на́ша дни яви́ся,/ Иоанне преблаженне.

Стѹх: Аще беззакѹнїя на́зриши, Господи, Господи, кто́ посто́ит; я́ко у Тебѣ очище́ние е́сть.

Всю наде́жду возложѹ Творцу твоему и Богу,/ са́мого себѣ привѣл еси Влады́це,/ Иже не́дра отве́рз, млеко́м тя воспита́/ дѹшу пита́ющих писа́ний/ и Небеснаго Царствїя наслѣ́дника ты сотвори́,/ всеми ве́рными почита́ема,/ Иоанне преблаженне.

Стѹх: И́мене ра́ди Твоего́ потерпе́х Тя, Господи, потерпе́ ду́ша моя́ в сло́во Твое́, упова́ ду́ша моя́ на Господа.

Посреди́ двою́ животѹ/ разумне Богоугодно ме́рило поставил еси, отче,/ ибо тле́ющая оставил еси;/ разуме́в же присно пребыва́юща Христа Бога,/ и Тому́ правило ду́ши твоя́/ усердно, блаженне Иоанне, прилепи́л еси.

Стѹх: От стра́жи ѹтрення до но́щи, от стра́жи ѹтрення, да упова́ет Изра́иль на Господа.

Ра́дуешися, ви́дев соверше́ние трудо́в твои́х,/ и́хже бо о́ко не ви́де,/ ни у́хо слы́ша/ добро́ты ра́йския восприя́л еси,/ све́тлое воздая́ние подвиго́в твоих,/ и ра́ка тво́я на землѣ благода́ть источа́ет,/ тело тво́е неруши́мо иму́щи,/ Иоанне преблаженне.

***Стѹх:** Яко у Го́спода ми́лость, и мно́гое у Него́ избавле́ние, и То́й изба́вит Изра́иля от все́х беззакóний его́.*

Глас 4: **Заря́ми Духа просвети́вся,/ егда́ ты Божественное желáние распали́/ и ду́шу вперѣ/ Того́ вожде́лети любве́ вои́стину крепча́йше,/ тогда́ преоби́дел еси́ плоть и кровь,/ и вне ми́ра изше́л еси,/ мно́гим воздержáнием и безмо́лвием Сему́ соединя́ся./ Те́мже испо́лнился еси́ отту́ду благѣх,/ я́коже проси́л еси,/ и просия́л еси, яко́ звезда́,/ озаря́я души́ наша, Иоанне.**

***Стѹх:** Хвали́те Го́спода всѣ́ язы́цы, похвали́те Его́ всѣ́ лю́дие.*

Бесóв лука́вых стрѣлы сокруши́л еси́ благода́тию Божественною/ и ловле́ния их всем уясни́л еси/ уче́ньми твои́ми;/ Духа же сия́ньми облиста́ем,/ мона́шествующих Богоза́рен светильник явился еси,/ и пустыни Ры́льския пѣрвое украше́ние,/ и боля́щих иску́снейший безме́здный врач,/ и добродѣ́тельного жити́я/ первообра́зное начертáние, Иоанне.

***Стѹх:** Яко́ утверди́ся ми́лость Его́ на нас, и и́стина Госпо́дня пребывáет во вѣк.*

Светода́тельными заря́ми исцелéний/ ты пресла́вно просвещáеши подсолнечную,/ неду́гов отгоня́я тьму́ глубо́кую;/ темже́ ты солнце друго́е познава́ем,/ и ино́ков утвержде́ние,/ и наста́вника спаса́емых Божественным Духом./ И ны́не память твою́ соверша́ем/ све́тлую и спаси́тельную,/ прегреше́ний разреше́ние тобою́ прие́млюще, Иоанне.

Слава, глас 6: **Приидѣ́те, правосла́вных собо́ри,/ духо́вне возра́дуемся днесъ, иде́же Богомудры́й Иоанн/ в память свою́ собра́л ны́ есть, к нему́ вопию́щих:/ радуйся, пусты́нная красота́ и Ангелов совсе́льниче./ Радуйся, Ры́льская похвала́ и болгаром согражда́ние./ Не преста́й моля́ся Христу́ Богу/ о́ иже ве́рою и любóвию почита́ющих/ присночестну́ю и всепра́здненственную память твою́.**

И ныне, Богородичен, глас 6: Кто Тебе не ублажит, Пресвятая Дево?/ Кто ли не воспоёт Твоего пречистаго Рождества?/ Безлётно бо от Отца возсиявый Сын Единородный,/ Тóйже от Тебе, Чíстыя, прóйде, неизречénно воплощся,/ естеством Бог сый и естеством быв человек нас ради,/ не во двою лицу разделяемый,/ но во двою естеству неслíтно познава́емый./ Тогó моли́, Чистая Всеблаженная,/ поми́ловатися душáм нашим.

<далее см. основной Чин>

Изменяемое №2

Прокíмен после «Свёте тíхий»: *См. Прокимен дня <далее см. основной Чин>*

Изменяемое №4

Лития *глас 2:*

Воздержáтельное обучéние на земли собрáв,/ преподобне отче Иоанне,/ и страстéй прилóги вся угасíв течением слез твоих,/ лéствица Божественная и честнáя, на Небо возводящая,/ всем явísя Богоприятное житиé твоё;/ благочестия бо плодý показу́я,/ исцеля́еши нéмощи страстéй вёрно тебе вопи́ющих:/ радуйся, востóка звездó светозáрная/ и мона́шествующих дóбрый пáстырю;/ радуйся, преслáвное пустýнным овцáм крéпкое ограждéние/ и Цérкве честнóе утверждéние;/ радуйся, заблуждшим вели́кий наставниче/ и вселénней свéтлое ра́дование.

Земнáго Ангела и Небéснаго челове́ка,/ мíрови благоукрашéние,/ слáдость добродéтелей и наслаждéние благíх,/ пóстников похвалу́, Иоанна почтíм./ Насаждён бо в дому́ Бóжии прáведно,/ яко кедр в пустýни,/ умно́жи ста́до Христовых овец/ в преподóбии и прáвде.

Глас 4: Возсия́ днесь пресвётлая пáмять тво́я,/ Богомудре Иоанне,/ нас созывáющи к похвалéнию Христа Бога нашего./ Темже притека́юще к ра́це мощéй тво́их/ и исцелéния дáры приéмлюще,/ Спа́са, тя прослáвльшаго, воспева́ем во веки.

Чíстый душéю и сёрдцем,/ Ангеле земный и челове́че Небéсный,/ дéвства учíteлю и воздержáния извёстное мэрило,/ Иоанне блаженне,/ живýй с Влады́кою тво́йм/ и немóлчное славослóвие/ со Ангелы и преподóбными Тому принося́,/ творя́щая твою́ священную пáмять/ спасай непрестáнными молíтвами тво́ими!

Глас 5: Преподобне отче Иоанне,/ ты воистину явился еси по́стником похвалá,/ крѣпость Правослáвию и вселѣнной свѣти́ло незаходѣмое,/ льстѣваго врагá не убоявсѣя/ и устрашѣний его не смутѣвсѣя,/ но благодáтию Божественною премудренно/ попра́л еси всю лесть его,/ от неяже и нас избáви, мо́лим тя!

Слава, глас 5: Радуйсѣя, пусты́нное украшѣ́ние,/ благоухáния вселѣ́нную исполняющее,/ и гору Рыльскую пѣ́нием оглашающее,/ и Церковь Болгáрскую венчающее:/ Ангелом бо был еси сожѣ́тель,/ полкóв бесóвских прогонѣ́тель,/ ересѣ́й же разорѣ́тель и всѣ́кия лѣ́сти из кóрене потребѣ́тель./ Темже в Вѣ́шнее вселѣ́всѣя жили́ще,/ преподóбне отче Иоанне,/ Христу Богу мо́лисѣя/ даровáти душáм нáшим мир и вѣ́лию мѣ́лость!

И ныне, Богородичен: Храм и дверь еси, палáта и Престо́л Царѣ́в,/ Дево Всечестнáя,/ Еюже Избáвитель мой, Христос Господь,/ во тьме спящим явѣ́сѣя, Сóлнце сый прáвды,/ просветѣ́ти хотя,/ яже создá по óбразу Своемú руко́ю Своёю./ Темже, Всепетая,/ яко мáтерне дерзновѣ́ние к Немú стяжáвшая,/ непрестáнно мо́ли/ спастѣ́сѣя душáм нáшим.

<далее см. основной Чин>

Изменяемое №5

По полиелѣи седáлен **глас 8:**

Пáстырскую хѣ́трость воспрѣ́йм,/ разúмне упáсл еси/ ста́до твоѣ́, преподобне,/ Христо́ва бо вседúшно вожде́лел еси учѣ́ния,/ в нёмже просветѣ́лсѣя еси/ и к рѣ́вности Ангельскаго житѣ́я/ всех воздвѣ́гл еси/ единомúдренно прославля́ти Го́спода,/ Богоносе Иоанне,/ мо́ли Христа Бога грехóв оставлѣ́ние даровáти/ чтúщим любóвию святую память твою́.

Слава и ныне: Пречѣ́стая Дево, Мати Божия,/ душѣ́ моей стра́сти лютыя/ исцелѣ́й, молю́сѣя,/ и прощѣ́ние дáруй моѣ́х прегрѣшѣ́ний,/ ѣ́же безúмие содѣ́ях,/ дúшу и тѣ́ло осквернѣ́х, ока́янный./ Увѣ́й мене, что сотворю́ в час он,/ внегда́ Ангели дúшу мою́ разлучáт/ от стра́стнаго моего́ телесé?/ Тогда́ Помóщница ми бúди/ и Предстáтельница теплѣ́йша,/ Тя бо ѣ́мам надѣ́жду, раб Твой.

Изменяемое №6

Степенна, 1-й антифон, глас 4.

Прокимен *глас 4:* Честна́ пред Господем смерть преподобных Его.
Стих: Что возда́м Го́сподеви о всех, я́же воздаде ми?

<далее см. основной Чин>

Изменяемое №7

По 50-м псалмё стихіра *глас 6:*

Возсия́ днесь пресвѣтлое торжествó/ честныя пáмяти твоей,
Богомудре отче Иоанне,/ іже от младѣнства Богу прилепівся/ и Того
стопáм послѣдовав,/ мирскій мятѣж, áки нúжное волнѣние,
преплыл еси/ и в Царство Небесное достігл еси./ Темже
покланяющеся мощѣм твоім,/ верно Христа славослóвим, да́вшего
тя нам тѣпла о нас моли́твенника,/ чтúщих любóвию честнúю пáмять
твою.

<далее см. основной Чин>

Изменяемое №8

Канон преподобному *глас 8.*

Песнь 1

Ирмос: Вóду проше́д, яко сýшу,/ и египетскаго зла избежа́в,/ израильтянин
вопияше:/ Избáвителью и Богу нашему по́йм.

Разúмный свет мúдрости возсия́ ми ны́не,/ молю́ся ти,
преподобне отче,/ пѣти начина́ющу ми твое честнóе жити́е,/ и
Божѣственный благода́ти испóлни уста́ моя.

Ангелу подóбся войстину, удалілся еси всех я́же в міре/ и, бежа́в
тѣлом и душѣю, водворілся еси в пусты́ни,/ я́коже Моисей
Боговидѣния, богáтно наслажда́йся.

Довольно источника пив Евангельскаго вод обі́льных,/ из чрэва
ны́не рѣки чудес источáеши, преподóбне Иоанне,/ и напáеши véрою
к тебѣ притека́ющия.

Богородичен: Утрóбу Твою обита́ Бог Сло́во, Дево Чистая,/ я́коже
капля сошед, кáплющая на землю/ и естество́ человеческое,
плáменем злóбы горевшее,/ обнові́ орошѣнием.

Песнь 3

Ирмос: Ты еси утверждѣние/ притека́ющих к Тебе, Господи,/ Ты еси свет
омрачѣнных/ и поёт Тя дух мой.

Испóлнь Дúха и ум на Небо простѣр,/ о тлѣнней пѣщи не попѣклся
еси,/ но хлѣбом Ангельским пита́лся еси.

Струями слез твоих землю пустынную напоил еси/ и плод приносить тебе сланутка неоранно утучнил еси.

Яко птенец, к Богу возлетети желая, преподобне отче,/ гнездо себе в древе сотворил еси,/ от земных облегчився.

Богородичен: Иисуса, Сына Твоего,/ милостива мне сотвори, злое творящему, Пречистая,/ во еже не видети ми Того лице отвращающа.

Седален, глас 6: Постнические подвиги понесл еси/ и страдальческим венцем увязался еси:/ с безплотными бо враги в телеси борясь/ и воинства их низлагая,/ удивил еси терпением твоим Ангелы,/ ихже житию во плоти поревновал еси./ Но молися Христу Богу, отче Иоанне,/ спастися нам.

Слава и ныне: Милосердия двери отверзи нам,/ Благословенная Богородице,/ надеющихся на Тя да не погибнем,/ но да избавимся Тобою от бед,/ Ты бо еси спасение/ рода христианского.

Песнь 4

Ирмос: Услышах, Господи, смотрения Твоего таинство,/ разумех дела Твоя/ и прославих Твое Божество.

Обрел еси Бога утверждена на версе Божественныя лестницы добродетелей,/ еюже возшед, почил еси от трудов и болезней.

Агня ты добраго Пастыря,/ в горе крыющееся, преподобне отче, явивша овчата,/ от своей ограды убежавшая.

На ты нашедшии пастырие/ всем проповедаша странное терпение твое/ и Богу в вышних славу возсылаху.

Богородичен: Невестная Мати,/ тобою уведана быша шествия Бога нашего,/ от Твоих пречистых кровей приемшаго человечество.

Песнь 5

Ирмос: Утреннююще, вопиём Ти,/ Господи, спаси ны,/ Ты бо еси Бог наш,/ разве Тебе иного не вемы.

Елицы Боголюбивии, преподобне отче,/ глаголов послушающе пастырских,/ на видение твое в пустыню приходяху.

Слава твоя далече сущия к тебе созываше,/ якоже глас в пустыни вопиющего всюду проносящися.

В дрéве уединíвся, я́коже птіца, преблаженне отче,/ оправд́ання
Божия дéлая, не почивáл ес́и,/ ни́же Го́сподеви моля́ся.

Богородичен: Еди́наго в Тебе, я́коже в главі́зне кні́жней
напи́саннаго,/ Бо́га поносі́вши, Чистая,/ в пра́ведных мя Кні́зе
напи́ши.

Песнь 6

Ирмос. Очи́сти мя, Спа́се,/ мно́га бо беззако́ния моя́,/ и из глуби́ны зол возведя́,
молю́ся,/ к Тебе́ бо возопі́х, и услы́ши мя,/ Бо́же спасéния моего́.

Твори́ши дела́ Фесві́тянина Или́й, преподо́бне отче:/ ма́лым бо
хле́бом мно́гих пита́еши/ и в сы́тость чу́дом корми́ши.

Изво́лиша мно́зи с тобо́ю жи́ти, блаже́нне,/ ми́ра сего́ преоби́девши
сла́дость/ и твоєму́ началообра́зному поревновáвши жити́ю.

Лече́бную си́лу от Бо́га при́йм,/ слепы́м свет да́еши, глухы́м
слы́шание, хромы́м хождéние/ и всем véрою приходи́щим здра́вие.

На главу́ твою́ ми́ро сні́де и на брадú твою́ ма́сло ра́дости,/ éже
свещу́ сéрдца твоего́ неугасі́мо соблюде́, преподо́бне.

Богородичен: Избра́нная Агни́це Чи́стая,/ Льва стра́шнаго ро́ждшая, и
Агнец бывшаго,/ и на зако́ление безгласна́ приведе́ннаго,/ и
беззако́ния моя́ на Ся воспри́ймшаго.

Кондак, глас 8: Ангельскому́ жити́ю поревновáв, преподо́бне,/ вся
земна́я оста́вив, ко Христу́ прите́кл ес́и/ и, Того́ за́поведьми
огражда́ясь,/ яви́лся ес́и столп непоколеб́им от вра́жиих нападе́ний./
Тем зове́м ти:/ ра́дуйся, о́тче Иоáнне, свети́ло пресве́тлое.

Икос: В словесéх и дéлех на землі́ возсия́вшаго и Спа́сово учéние
соверши́вши,/ земна́го Ангела́ и Небеснаго челове́ка, Иоáнна
сла́внаго,/ соше́дшеся, похва́лим, вси ве́рнии, си́це пою́ще и к нему́
глаго́люще:/ ра́дуйся, Средéчское прозябéние;/ ра́дуйся, пусты́нное
воспита́ние./ Ра́дуйся, от ю́ности Бо́га возлюб́ивый;/ ра́дуйся, вся
всего́ ми́ра ни во что́же вмени́вый!/ Ра́дуйся, і́же вы́сокое жити́е
пóстническими труды́ показáвый;/ ра́дуйся, злокозненнаго зм́я
копи́ем терпéния твоего́ низлож́ивый!/ Ра́дуйся, на гора́х, я́ко
со́лнце, возсия́вый;/ ра́дуйся, го́ры и хо́лмы благоухáния

исполнимый!// Рáдуйся, гра́ды и ве́си просвети́вый чуде́сы;/ ра́дуйся, вся страны озари́вый добродете́льми!// Рáдуйся, ста́ду твоemú твёрдое огражде́ние;/ ра́дуйся, благочести́вым побе́дное венча́ние!// Рáдуйся, о́тче Иоáнне, свети́ло пресвѣтлое!

Песнь 7

Ирмос: От Иудеи дошедше, о́троцы/ в Вавилóне иногда́/ ве́рою Трoическою пла́мень пѣщный попра́ша, пою́ще:/ о́тцев Бóже, благословѣн еси́.

Честну́ю цѣрковь воздвигл еси́, я́коже огра́ду овца́м,/ себѣ цѣрковь живу́ сотвори́в, Го́сподеви поя́:/ о́тцев Бóже, благословѣн еси́.

Е́же ми́ру распя́тие претерпе́в и я́же на земли́ у́ды умертви́в,/ некому́ ты жил еси́, но Христóс в тебѣ, Емуже́ зыва́л еси́:/ о́тцев Бóже, благословѣн еси́.

Прави́ло душі́ твоей разруши́ти не возмого́ша/ ни по́тове ниже́ болѣзни, ни телѣсное изможде́ние, ни ста́рость претружде́нная,/ но Влады́ки твоего́ жела́я, неуста́нно зыва́л еси́:/ о́тцев Бóже, благословѣн еси́.

Богородичен: Руно́ ороше́нное, Дево, пла́мень грехо́в моих угаси́,/ купино́ неопали́мая, страсте́й моих те́рние попали́,/ подаю́щи ми на водѣ жи́ти упоко́ения и ге́енскаго мя огня́ свобожда́ющи.

Песнь 8

Ирмос: Седмери́цею пещь/ халдейский мучи́тель/ Богочести́вым неустовно́ разжже́,/ си́лою же лу́чшею спасе́ны, сия́ ви́дев,/ Твори́цу и Изба́вителю вопия́ше:/ о́троцы, благослови́те,/ священни́цы, воспойте́,/ лю́дие, превозноси́те во вся́ ве́ки.

Егда́, со́лнце пресвѣтлое, на за́паде жи́зни земны́я себѣ уразумѣл еси́,/ учени́ки наказа́в и во стра́се Бóжии утверди́в, возвести́л еси́ болѣзней твои́х возме́здие и, ра́дуясь, дух твой Го́сподеви пре́дал еси́.

Смерть не лиш́и телесе́ твоего́ живу́щего в тебѣ благода́ти Божѣственны́я,/ но, прешѣдшим днём четы́редесаты́м,сам явля́еши,и в зѣмлю погребсти́ тя повелева́еши,/ и чуде́с струи́ источа́еши.

Відяще пучіну чудес твоих, храм твой сокрóвище проразумевáем многоцѣнное:/ вси бо, недúгом одержімии, в той притекающе, скóро от грóба твоего здравіе приѣмлют,/ тя, прославльшаго Бóга, славяще.

Богородичен: Ещѣ светлѣе свѣта солнечнаго/ проразумевáем дѣвства Твоего свѣтлое сияніе, Пречістая:/ Свѣта бо безлѣтнаго и сóлнцу Творца во чрѣве Твоѣм имѣла есѣ,/ из Тебѣ возсіявшаго и тьму прѣлести разгнавшаго,/ и весь мир свѣтом Богоразúмیا просветівшаго.

Пѣснь Богорóдицы: Величит душá моя Гóспода: *<см. основной Чин>*

Песнь 9

Ирмос: Ужасѣся о сем Нѣбо/ и землѣ удивішася концѣ,/ яко Бог явіся человѣком плóтски,/ и чрѣво Твое бысть прострáннейшее Небес./ Тем Тя, Богорóдицу,/ Ангелов и человек чиноначáлія величáют.

Тѣло твоѣ честнóе во грóбе положѣнное/ разрѣшшуся соузу естѣственному и тебѣ Бóгу дух предавшу/ облагоухáет вся приходящія и Бóга прославляѣет чудесѣ, Иоáнне преблажѣнне.

Ліку монашествующих и мнóжеству вѣрных тѣплый обретáешися заступник,/ іже злóбу разрушáя и прошѣнія исполняя./ Бог бо возвеличи тя, пріснаго раба Своего, человек и скотѣ тобóю исцеляя.

Испóлни сѣрдца моего желáние, чудес истóчнице:/ дáруй ми благодáть твою, от всякаго искушѣнія мя избавляя,/ на Судѣ же грядúщем во Едѣмстей мя всели пáжити молітвами твоими,/ от горяща сѣрдца тебѣ пѣснь принѣсшаго.

Богородичен: Изрýдно предпочістившися во святáя святѣх вселѣніем и Ангельскою рукою питáнием,/ человеком Бога породила есѣ, от Твоих Пречістых кровѣй плоть приімшаго/ и якоже прѣжде рождества Деву Тя соблюдшаго.

<далее см. основной Чин>

Изменяемое №9

Светілен *глас 2:*

Рáдуйся, пустыне Рыльская./ Веселіся, іноков сослóвие./ Приидіте, вси вѣрнии,/ ráку обступівше преподóбнаго,/ токи

проливающую исцелений,/ пёсненными похвалами/ воззовём к нему,
глаголюще:/ радуйся, Средёческое прозябёние/ и пустыни доброе
воспитание.

Слава и ныне: Непроходимую дверь единую,/ плодовитую маслину,
кадильницу всезлатую, Божественный Огонь носящую,/ стамну
Небесный Манны/ и светоносный облак,/ Богородицу святую вси
прославим.

<далее см. основной Чин>

Изменяемое №10

На стиховне стихиры **глас 8:**

Преподобне отче Иоанне,/ ты яже на земли суетная оставив,
Христу Богу твоему усердно последовал еси,/ не предпочёт тленных
паче пребывающих;/ в пустыни же, якоже во граде, живый,/
демонский полки победил еси./ О, кто возмогл бы изрещи/ твоя
души войстину пламенеющую теплоту/ яже ко Господу,
приснославне.

Стих: Честна пред Господом/ смерть преподобных Его.

Преподобне отче Иоанне,/ ты войстину явился еси/ правило
избранное монашествующих,/ и православных утешение,/ и вся
вселенная светильник;/ врага бо лукаваго не ужасился еси
страхований,/ в пещере живый./ О, дарования Духа сущаго в тебе,
имже всякое попрал еси демонов коварство, присноблаженне.

Стих: Блажен муж, бояйся Господа,/ в заповедех Его восхощет зело.

Преподобне отче Иоанне,/ ты войстину ко Господу Богу твоему/
душу твою крепче вперил еси/ и пощением чувства очистил еси,/ и
непрестанными твоими молитвами/ безсмертная жизни сподобился
еси./ О, убожения постников,/ егоже Христос, радующаяся, прият
прейскренне/ в невестственные обители, Богомудре!

Слава, глас 4: Пустынное возлюбив житие/ и Ангельское восприим
служение,/ мира возненавидел еси леств временную/ и явился еси
Церкви светило пресветлое,/ Ангелом сопричастник и пустынным
Божественное украшение,/ скорбящим радость,/ немощным
исцеление и всем верным спасение./ Но молися Христу Богу,
себлаженне Иоанне,/ мир вселенней даровати и душам нашим
велию милость.

И ныне, Богородичен: При́зри на моле́ние/ Твои́х раб, Всенепоро́чная,/ утоля́ющи лю́тая на ны воста́ния,/ вся́кия ско́рби нас изменя́ющи;/ Тя бо Еди́ну твёрдое и извё́стное утвержде́ние има́мы/ и Твоё предста́тельство стяжа́хом,/ да не постыди́мся, Владычице,/ Ты призыва́ющи./ Потщи́ся на умоле́ние Тебе верно вопи́ющих:/ радуйся, Владычице, всех по́моще,/ ра́досте и покрóве,/ и спасе́ние душ наших. *<далее см. основной Чин>*

Утром 1 ноября

Изменяемое №11

По 1-м стихослóвии седа́льны *глас 4:*

Зва́нию Господа твоего́ послéдовав,/ мир оста́вил еси и вся мира прекра́сная,/ преблаженне отче Иоанне;/ претерпе́л же еси усёрдно озлобле́ние пусты́нное/ и му́жески отрази́л еси полки́ бесо́вския./ Темже при́сно твою́ память/ пе́снями восхваля́ем ве́рно.

Сла́ва, и ны́не, Богоро́дичен: <далее см. основной Чин>

Изменяемое №12

По 2-м стихослóвии седа́льны *глас 5:*

Пресе́льник быв от земли́ оте́чества твоего́/ и любо́вь всю земну́ю оста́вив,/ на Го́ру возше́л еси/ и до Небе́с возвы́сился еси сто́лп,/ челове́ки наставля́я на путь спасе́ния./ Темже и всели́лся еси в зе́млю кро́тких,/ Иоанне, преподо́бне отче наш.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь *глас 4:*

Твои́х моще́й возвраще́нием/ оби́тель твоя́ обогати́ся,/ це́рковь же твоя, прие́мши я́, просвети́ся/ и, крася́щися, ве́рных созыва́ет с весе́лием/ светonóсный твой све́тло пра́здновати день,/ гряди́те, глаго́лющи,/ и приими́те благода́тей дарова́ния.

<далее см. основной Чин>

Изменяемое №14

На хвали́тех стихи́ры:

Сти́х: Сотвори́ти в них суд напу́сан./ Сла́ва сия́ бу́дет всем преподо́бным Егó.

Сти́х: Хвали́те Бо́га во святы́х Егó,/ хвали́те Егó во утвержде́нии си́лы Егó.

Сти́х: Хвали́те Егó на си́лах Егó,/ хвали́те Егó по мно́жеству вели́чества Егó.

Глас 4 Мíлости ра́ди многия/ и безмернаго благоутро́бия/ род челове́ческий спасти́ восхотéвшаго/ глаго́лы послу́шал еси́, всеблаже́нне,/ и о сýетных небре́гл еси́,/ но вско́ре зéмлю оста́вил еси́ отéчества твоего́,/ и сродник сожíteльство/ и вре́менное наслажде́ние,/ и стопа́м послéдовал еси́ Христа́ Бо́га на́шего,/ Егóже моли́ спасти́/ и просветíти ду́ши на́ша.

Стíх: *Хвалíte Егó во гласе тру́бнем,/ хвалíte Егó во псалти́ри и гýслех.*

Ничто́же возмо́же тя разлучíти/ от любв́е Христóвы, всеблаже́нне:/ ни мирско́е украше́ние,/ ни отéческое стяжа́ние,/ ни бли́жних пристра́стие,/ ни сýетная сла́ва,/ но сия́ вся ни во что́ же вменíв,/ я́коже елéнь, распали́лся еси́ жа́ждею/ и поте́кл еси на исто́чник воды́ живы́я Христа́ Бо́га на́шего,/ Егóже моли́ спасти́/ и просветíти ду́ши на́ша.

Стíх: *Хвалíte Егó в тимпа́не и ли́це,/ хвалíte Егó во стру́нах и орга́не.*

Изра́ тя Госпо́дь во святы́х изря́дна,/ и в по́стницах преподо́бна,/и в рабéх ве́рных тала́нт возрасти́вша,/ те́мже ны́не дух твой веселíтся/ в ра́дости Го́спода твоего́,/ честное́ же те́ло твое́ нам предлежít,/ воню́ благоуха́ния испуща́ющее/ и цельбы́ пода́ющее благода́тию Христа́ Бо́га на́шего,/ Егóже моли́ спасти́/ и просветíти ду́ши на́ша.

Стíх: *Хвалíte Егó в кимвáлех доброгласных, хвалíte Егó в кимвáлех восклицáния./ Всякое дыха́ние да хва́лит Го́спода.*

Разу́мной ду́шй покорíл еси́/ стра́сти телéсныя воздержáнием/ и, безстра́стия крýлы укра́шен,/ благода́ть прия́л еси́/ челове́ков немо́щи целíти/ и духо́в лука́вствия прогоня́ти./ Те́мже ли́цы блажа́ще тя и́ночествующих/ и ве́рных собóри, твою́ па́мять пра́зднующе,/ воспева́ем просла́вльшаго тя Христа́, Бо́га на́шего,/ Егóже моли́ спасти́/ и просветíти ду́ши на́ша.

Слава, глас 8: Христóво избра́нное ста́до,/ приидíte, стецéмся к честнéй па́мяти/ преблаже́ннаго Иоáнна,/ в Ры́льстей пусты́ни просия́вшаго./ Се предлежít нам честное́ егó те́ло,/ ве́ры на́шея утвержде́ние,/ преподо́бных удобре́ние,/ еретíчествующих посрамлéние, не ве́рующих воскресéнию:/ сей бо по смéрти слéпым подаёт прозрэ́ние,/ хро́мым хождéние, сля́ченныя исправля́ет,/ и

разслабленныя стязает,/ бѣсы прогоняет и благоверных на сопротивныя укрепляет./ Духом же предстоя Престолу Владычню,/ молится всегда ко Господу/ о иже верою и любовью/ празднующих вселенную память его.

И ныне, Богородичен: <см. основной Чин>

Изменяемое №15

Кондак глас 8:

Ангельскому житию поревновав, преподобне,/ вся земная оставив,
ко Христу притекл еси/ и, Того заповедьми ограждаяся,/ явился еси
столп непоколебим от вражиих нападений./ Тем зовем ти:/ радуйся,
отче Иоанне, светило пресветлое.

<далее см. основной Чин>

На Литургии

Изменяемое №20

Прокимен, глас 7: Честна пред Господем/ смерть преподобных Его.

Стих: Что воздам Господеву о всех, яже воздаде ми?

Изменяемое №21

Аллилуйя, глас 6: Блажен муж, бояйся Господа, в заповедех Его
восхощет зело. *Стих:* Сильно на земли будет семя его.